

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0048966 22
Zenica, 24.04.2025. godine

OPĆINSKI SUD U VISOKOM
- Sudiji za prethodno saslušanje -
VISOKO

Na osnovu odredbe člana 45. stav 2. tačka i) i odredbe člana 241. stav 1. ZKP-a F BiH,
p o d i ž e m

O P T U Ž N I C U

Protiv,

1. E. K. zv. „E.“, osuđivan presudama Općinskog suda u Visokom zbog krivičnog djela iz člana 239. stav 3. KZ F BiH, krivičnog djela iz člana 290. stav 1. KZ F BiH, krivičnog djela iz člana 293. stav 1. KZ F BiH, krivičnog djela iz člana 183. stav 1. u vezi sa članom 55. KZ F BiH, krivičnog djela iz člana 358. stav 3. u vezi sa stavom 1. i 2. i u vezi sa članom 28. KZ F BiH, krivičnog djela iz člana 174. stav 4. KZ F BiH, krivičnog djela iz člana 52. stav 1. tačka b) ZONDINOM-a ZDK, za koja krivična djela su mi izricane uvjetne osude i kazne zatvora, brani ga po izboru, Azijada Mujkić, advokat iz Zenice,

2. A. K., osuđivan presudom Općinskog suda u Kaknju zbog krivičnog djela iz člana 362. stav 2. u vezi sa stavom 1. KZ F BiH uvjetnom osudom, kazna zatvora 1 godina, vrijeme provjeravanja 2 godine, presudama Općinskog suda u Visokom zbog krivičnog djela iz člana 371. stav 1. KZ F BiH i krivičnog djela iz člana 293. stav 1. KZ F BiH i stav 3. KZ F BiH, za koja krivična djela su mu izricane uvjetne osude, brani ga po izboru, Zlatko Sirčo, advokat iz Visokog,

3. A. T., osuđivan presudama Općinskog suda u Visokom zbog krivičnog djela iz člana 239. stav 3. KZ F BiH, krivičnog djela iz člana 362. stav 1. i člana 293. stav 1. KZ F BiH u vezi sa članom 54. istog zakona, krivičnog djela iz člana 291. i člana 286. stav 1. u vezi sa članom 54. KZ F BiH, krivičnog djela iz člana 323. stav 1., člana 293. stav 1. i člana 371. stav 1. a sve u vezi članom 54. KZ F BiH, za koja krivična djela su mu izricane uvjetne osude i kazne zatvora, brani ga po izboru, Emina Sirčo, advokat iz Visokog,

4. M. S., osuđivan presudama Općinskog suda u Visokom zbog krivičnog djela iz člana 362. stav 2. u vezi sa stavom 1. članom 31. KZ F BiH i krivičnog djela iz člana 286. stav 1. u vezi sa članom 31. KZ F BiH, za koja krivična djela su mu izricane uvjetne osude, nalazio se u pritvoru po rješenjima Općinskog suda u Visokom broj: ... od 12.05.2022. godine, u trajanju od 1 mjeseca računajući od 11.05.2022. godine do 11.06.2022. godine i rješenjem istog suda broj: ... od 08.06.2022. godine kojim mu je produžen pritvor u trajanju od 2 (dva) mjeseca do 11.08.2022. godine, brani ga po izboru, Tarik Lemeš, advokat iz Visokog,

5. I. S., neosuđivan,

što su,

U vremenskom periodu od februara 2021. godine do februara 2022. godine, na području Zeničko-dobojskog kantona i šire, suprotno odredbama Zakona o sprečavanju i suzbijanju zloupotrebe opojnih droga E. K., A. K., A. T., M. S. i I. S., počinili krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH u vezi sa članom 31. i 55. KZ F BiH.

1 E. K., A. T., M. S., zajedno

Dana 18.03.2021. godine oko 07,20 sati, E. K., na području grada Visoko, a nakon izvršene analize dokumentovano provedenih istražnih radnji iz člana 130. stav 2. tačka a) i d) ZKP F BiH, suprotno odredbama člana 4. stav 1. 2. 3. i 5. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), svjestan svoga djela što je i htio, ostvario kontakt sa svog telefona broj: ... sa T. P. iz Sarajeva na njegov broj telefona: ... sadržaja: „Eo broj“, a zatim još jednu SMS poruku: „Pozorište sjever“, nakon čega je E. odgovorio SMS porukom u 07,23 sati istog dana „Ok brat“, nadalje primjenom istih posebnih istražnih radnji prema A. T. utvrđeno je da je, svjestan svoga djela što je i htio, ostvario kontakt mobitelom sa svog broja ..., dana 09.04.2021. godine, oko 16,50 sati, koji je pozvao T. P. iz Sarajeva na njegov broj ... gdje isti razgovaraju putem telefona najprije o kvaru na vozilu, a zatim dogovaraju mjesto, kupovinu i primopredaju opojne droge, da bi istoga dana oko 19,46 sati A. T. pozvao M. S. na njegov korisnički broj ... gdje mu je objašnjavao na kojem mjestu će se izvršiti primopredaja opojne droge i ko će ga čekati, a A. T. dana 15.04.2021. godine, oko 12,43 sati poziva E. K. kada dogovaraju da se sastanu, te je istog dana prilikom pretresa objekata i prostorija koje koristi T. P., na području grada Sarajeva pronađen oko 1 kg opojne droge „speed“ a koja droga je pod rednim brojem 1. Liste psihotropnih tvari iz tablice II „Tvari i biljke pod strogim nadzorom“ proglašena takvom, iz Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), iako su bili svjesni i znali da se radi o opojnoj drogi i da je držanje i prodaja droge zabranjena, što su i htjeli, koju je očigledno nabavljao i kupovao od E. K., A.T. i M. S. na prethodno opisani način,

2 E. K. i A. K., zajedno

U vremenskom periodu od februara mjeseca 2021. godine do mjeseca septembra 2021. godine, na području grada Visoko, a nakon izvršene analize dokumentovano provedenih istražnih radnji iz člana 130. stav 2. tačka a) i d) ZKP F BiH, suprotno odredbama člana 4. stav 1. 2. 3. i 5. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), svjesni svoga djela što su i htjeli, kontinuirano prometovali opojnim drogama sa A. K. koji koristi mobilni telefon broj ... kao sebi podređenim licem isti jasno razumije komunikaciju, koristeći poznate termine i šifre u pogledu narudžbi, vrsta, količina, novčanih protuvrijednosti, načina i mjesta preuzimanja.

2-1 E. K. i A. K., zajedno

U vremenskom periodu od februara mjeseca 2021. godine do mjeseca septembra 2021. godine, na području grada Visoko, a nakon izvršene analize dokumentovano provedenih istražnih radnji iz člana 130. stav 2. tačka a) i d) ZKP F BiH, suprotno odredbama člana 4. stav 1. 2. 3. i 5. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), svjesni svoga djela što su i htjeli, zaključuje se da su

korisnici mobilnih brojeva: ... koji koristi NN lice, ... koji koristi lice imena A., ... i ...koji koristi lice M. A., ... koji koristi lice S., ...koji koristi lice K. M., ... koji koristi lice E. H., ... koji koristi NN lice, ...koji koristi lice I., ... koji koristi NN lice, ... koji koristi F. Z., ... koji koristi NN lice, ... koji koristi E. H., ... koji koristi S., ... koji koristi NN lice i ... koji koristi NN lice, aktivni konzumenti opojnih droga i stalni kupci, jasno razumiju komunikaciju putem telefona koristeći njima poznate termine i šifre u pogledu narudžbi, vrsta, količina, načina preuzimanja droga i slično, a koju opojnu drogu preuzimaju uz prethodni dogovor sa A. K. koji je opojnu drogu zadužio od E. K.,

2-2 A. K., sam

Dana 13.01.2022. godine, ovlaštene službene osobe PS Visoko su izvršile pretres kuće i pratećih objekata A. K. u Visokom na adresi ..., temeljem naredbe za pretres Općinskog suda u Visokom broj: ... od 30.12.2021. godine, koji je svjestan svoga djela, što je i htio, neovlašteno radi prodaje držao opojnu drogu, suprotno odredbama člana 19. i 20. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), kojom prilikom je pronađena pvc kesica sa sadržajem suhe biljne materije, pvc kesa bijele boje u kojoj se nalazi staklena tegla sa sadržajem više pvc smotuljaka u kojima se nalazi biljna zeljasta materija, četiri pvc smotuljka sa sadržajem biljne zeljaste materije, digitalna vaga sive boje, metalne makaze, dva pvc upaljača, jedno pakovanje rizli, pvc kesa u kojoj se nalaze četiri pvc smotuljka sa sadržajem biljne zeljaste materije, pvc kesa sa sadržajem tri veća pvc smotuljka sa sadržajem biljne zeljaste materije, pvc kesa sa sadržajem sedam većih pvc smotuljka sa sadržajem biljne zeljaste materije, pvc kesa u kojoj se nalaz šest pvc smotuljaka sa sadržajem biljne zeljaste materije, dakle ukupne neto mase 1926,900 grama, za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC) poznatiju kao opojna droga marihuana, koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva, dva mobilna telefona marke „...“, kožni novčanik smeđe boje sa papirnim i kovanim novcem i digitalnom vagom, iako je bio svjestan i znao da se radi o opojnoj drogi, a što je i htio, koja droga mu je oduzeta,

3 A. T., sam

Dana 03.06.2020. godine, oko 23,25 sati, prilikom kontrole vozila marke „...“ reg. oznaka ... u Visokom, u ulici ..., kojim je upravljao N. S., a na mjestu suvozača bio A. T., kojom prilikom je A. T., svjestan svoga djela, što je i htio, suprotno odredbama člana 4. stav 1., 2. 3. i 5. u vezi sa članom 19. i 20. Zakona o sprečavanju i suzbijanju zloupotrebe opojnih droga u BiH („*Službeni glasnik BiH*“ broj 8/06, 103/08 i 51/11), u crnoj platnenoj torbici, znajući da se radi o opojnoj drogi koju je držao radi prodaje, a koja se nalazila u dva paketića načinjena od najlonske folije sa sadržajem nepoznate žute materije, grudvasto-praškaste konstitucije neto masa 6,849 grama i 6,313 grama, za koju materiju je vještačenjem utvrđeno da sadrži psihoaktivnu komponentu „amfetamin“, koja se nalazi na popisu opojnih droga, psihotropnih tvari, koja je pod rednim brojem 1. Liste opojnih droga iz Tabele 2. „Tvari i biljke pod strogim nadzorom“ proglašena takvom, koja opojna droga mu je istoga dana oduzeta,

3-1 A.T., M. S., I. S., zajedno

Dana 02.03.2021. godine, temeljem usmene naredbe za pretresanje PS Visoko po odobrenju sudije za prethodni postupak Općinskog suda u Visokom broj: ... od 02.03.2021. godine u mjestu O., grad V., prilikom pretresa kuće, pratećih objekata i vozila koju koristi M. S., svjestan svoga djela, što je i htio, radi prodaje držao opojnu drogu, a što je suprotno odredbama člana 4. stav 1., 2. 3. i 5. u vezi sa članom 19. i 20. Zakona o sprečavanju i suzbijanju zloupotrebe opojnih droga u BiH („*Službeni glasnik BiH*“ broj 8/06, 103/08 i 51/11),kojom prilikom je pronađen jedna pvc kesica sa sadržajem bijele praškaste materije koja izgledom asocira na opojnu drogu „speed“ bruto težine 20,60 grama, dva pvc smotuljka sa sadržajem bijele praškaste materije koja izgledom asocira na opojnu drogu „speed“ bruto težine 1,15 grama, za koju materiju je vještačenjem utvrđeno da predstavlja psihoaktivnu komponentu amfetamin poznatiju kao opojna droga „speed“, a koja droga je pod rednim brojem 1. Liste psihotropnih tvari iz tablice II „Tvari i biljke pod strogim nadzorom“ proglašena takvom, jednu pvc kesicu sa sadržajem suhe zeljaste materije kolja svojim izgledom asocira na opojnu drogu marihuana bruto težine 0,50 grama za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC), poznatiju kao opojna droga marihuana, koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva, jedna metalna drobilica i jedna digitalna vaga, koja opojna droga i predmeti su mu istoga dana oduzeti, a primjenom posebnih istražnih radnji iz člana 130. stav 2. tačka a) ZKP F BiH prema A. T. koji koristi telefonski broj ..., koji razgovara o prethodno opisanih događaja provedenih pretresa, a analizom dokumenata provođenjem posebnih istražnih radnji utvrđeno je da M. S. kupuje opojnu drogu „marihuanu“ i „speed“ od A. T. radi dalje prodaje posredstvom brata I. S. i lica A. Dž., A. Đ., E. S., E. R., E. K., svi iz Visokog i drugih za sada NN lica, dana 15.10.2021. godine M. S. sa svog telefona broj ... poziva lica: A. Dž., A. Đ., E. S., E. R., E. K. i brata I. S. radi potraživanja novca za prethodni period i zaduženu opojnu drogu „marihuanu“ i „speed“ radi dalje prodaje, a razgovori se obavljaju u dane 15.10.2021. godine i 16.10.2021. godine,

4 I.S., sam

Dana 02.03.2021. godine, temeljem usmene naredbe za pretresanje PS Visoko po odobrenju sudije za prethodni postupak Općinskog suda u Visokom broj: ... od 02.03.2021. godine na adresi Visoko, mjesto ..., kuće i pratećih objekata koju koristi I. S., svjestan svoga djela, što je i htio, radi prodaje držao opojnu drogu, a što je suprotno odredbama člana 4. stav 1., 2. 3. i 5. u vezi sa članom 19. i 20. Zakona o sprečavanju i suzbijanju zloupotrebe opojnih droga u BiH („*Službeni glasnik BiH*“ broj 8/06, 103/08 i 51/11),kojom prilikom je pronađen jedan pvc smotuljak sa bijelom praškastom materijom bruto težine 20,60 grama, dva pvc smotuljka sa sadržajem bijele materije bruto težine 1,15 grama, za koju materiju je vještačenjem utvrđeno da predstavlja psihoaktivnu komponentu amfetamin poznatiju kao opojna droga „speed“, a koja droga je pod rednim brojem 1. Liste psihotropnih tvari iz tablice II „Tvari i biljke pod strogim nadzorom“ proglašena takvom i jedan pvc smotuljak sa sadržajem zeljaste materije bruto težine 0,50 grama za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC), poznatiju kao opojna droga marihuana, koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva, jedna metalna drobilica, jedna digitalna vaga, koja opojna droga mu je istoga dana oduzeta,

4-1 I.S. i M.S., zajedno

U dane 01.08.2021. godine, 03.08.2021. godine, 04.08.2021. godine, 17.08.2021. godine, 23.08.2021. godine, kao i u mjesecima septembar, oktobar, novembar i decembar 2021. godine, na području grada Visoko, a nakon izvršene analize dokumentovano provedenih istražnih radnji iz člana 130. stav 2. tačka a) i d) ZKP F BiH, suprotno odredbama člana 4. stav 1. 2. 3. i 5. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), svjesni svoga djela što su i htjeli, komunicirali sa korisnicima mobilnih aparata sa brojevima kako slijedi: ... koji koristi NN lice, ... koji koristi lice imena A., ... i ... koji koristi lice M. A., ... koji koristi lice S., ... koji koristi lice K. M., ... koji koristi lice E. H., ... koji koristi NN lice, ... koji koristi lice I., ... koji koristi NN lice, ... koji koristi F. Z., ... koji koristi NN lice, ... koji koristi E. H., ... koji koristi S., ... koji koristi NN lice i ... koji koristi NN lice, aktivni konzumenti opojnih droga i stalni kupci, jasno razumijevajući komunikaciju putem telefona koristeći njima poznate termine i šifre u pogledu narudžbi, vrsta, količina, načina preuzimanja droga i slično, a koju opojnu drogu preuzimaju uz prethodni dogovor sa A. K. koji je opojnu drogu zadužio od E. K.,

5 I. S., sam

U dane 05.10.2021. godine, u 16,11 sati, 17,46 sati i 17,59 sati, a nakon izvršene analize dokumentovano provedenih istražnih radnji iz člana 130. stav 2. tačka a) i d) ZKP F BiH, suprotno odredbama člana 4. stav 1. 2. 3. i 5. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), svjestan svoga djela što je i htio, uslijedio dogovor oko nabavke opojne droge između I. S. i N. Z. koji koristi telefon broj ..., a dana 05.10.2021. godine, oko 18,15 sati prilikom kontrole pmv marke „...“ reg. oznaka ..., na području grada Visoko, suvozač iz navedenog vozila iz pvc vrećice vadi nepoznat sadržaj i stavlja u usta, a radnjom legitimisanja od strane ovlaštenih službenih osoba PS Visoko utvrđeno je da se radi o I. S.,

6 I. S., sam

U vremenskom periodu od februara mjeseca 2021. godine do mjeseca septembra 2021. godine, na području grada Visoko, a nakon izvršene analize dokumentovano provedenih istražnih radnji iz člana 130. stav 2. tačka a) i d) ZKP F BiH, suprotno odredbama člana 4. stav 1. 2. 3. i 5. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), svjestan svoga djela što je i htio, komunicirao sa N. Z. korisnikom mobitela broj: ..., koji je aktivni konzument i kupac opojnih droga i koji jasno razumije komunikacije, termine i šifre, narudžbe, vrste, kao i način i mjesta preuzimanja droga, nabavlja od I. S. koju prethodno preuzimaju od njega uz dogovor telefonom odgovarajućim komunikacijama,

7 I. S., sam

U vremenskom periodu od februara mjeseca 2021. godine do mjeseca septembra 2021. godine, na području grada Visoko, a nakon izvršene analize dokumentovano provedenih istražnih radnji iz člana 130. stav 2. tačka a) i d) ZKP F BiH, suprotno odredbama člana 4. stav 1. 2. 3. i 5. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), svjestan svoga djela što je i htio, komunicirao sa korisnicima mobilnih telefona kako slijedi: ... koji koristi E. Č., ... koji koristi lice po imenu B.,

... koji koristi lice po imenu M. O., ... koji koristi lice A. D., ... koji koristi NN lice, ... koji koristi lice A. DŽ., ... koji koristi lice A. R. i ... koji koristi lice imena S., aktivni konzumenti i kupci opojnih droga, koji jasno razumiju komunikacije, termine i šifre, narudžbe, vrste, kao i način i mjesta preuzimanja droga, a koju nabavljaju od I. S. koja se prethodno preuzima od njega uz dogovor telefonom odgovarajućim komunikacijama,

8 M. S., sam

Dana 12.11.2021. godine, ovlaštene službene osobe PS Visoko su izvršile pretres kuće i pratećih objekata koje koristi M. S. na adresi ..., Visoko, temeljem naredbe Općinskog suda u Visokom broj ... od 02.11.2021. godine, koji je svjestan svoga djela, što je i htio, neovlašteno radi prodaje držao opojnu drogu, suprotno odredbama člana 19. i 20. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11) i kojom prilikom je pronađen pvc paketić sa suhom zeljastom materijom bruto težine 2,60 grama, za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC) poznatiju kao opojna droga marihuana, koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva,

9 M. S., sam

U vremenskom periodu od februara mjeseca 2021. godine do mjeseca septembra 2021. godine, na području grada Visoko, a nakon izvršene analize dokumentovano provedenih istražnih radnji iz člana 130. stav 2. tačka a) i d) ZKP F BiH, suprotno odredbama člana 4. stav 1. 2. 3. i 5. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), svjestan svoga djela što je i htio, komunicirao sa korisnicima mobilnih telefona kako slijedi: ... koji koristi lice E. K., ... koji koristi lice E. Č., ... koji koristi lice M. O., ... koji koristi lice A. D., ... koji koristi lice A. DŽ., kao i lica: A. R., E. R., A. B., lice po imenu A., S. T. i jedno NN lice, aktivni konzumenti i kupci opojnih droga koji jasno razumiju komunikacije, termine i šifre, narudžbe, vrste, kao i način i mjesta preuzimanja droga, nabavljaju od M. S. koju prethodno preuzimaju od njega uz dogovor telefonom odgovarajućim komunikacijama,

dakle, neovlašteno radi prodaje držali opojnu drogu,

čime su počinili:

- E. K. produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 31. i 55. KZ F BiH,
- A. K., produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 31. i 55. KZ F BiH,
- A. T., produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 31. i 55. KZ F BiH,
- M. S., produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 31. i 55. KZ F BiH,
- I. S., produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 31. i 55. KZ F BiH.

Radi toga stavljam,

P R I J E D L O G

dokaza koje treba izvesti

5. Na osnovu člana 238. stav 4. KZ F BiH predlažemo Sudu:

- da se od osumnjičenog A. K. oduzme opojna droga „tetrahidrokanabinol“ preostala nakon vještačenja u količini od 1756,281 grama,
- da se od osumnjičenog A. T. oduzme opojna droga „amfetamin“ preostala nakon vještačenja u tragovima skinutim sa digitalne vage,
- da se od osumnjičenog A. T. oduzme opojna droga „amfetamin“ preostala nakon vještačenja u količini od 13,121 grama,
- da se od osumnjičenog I. S. oduzme opojna droga „tetrahidrokanabinol“ preostala nakon vještačenja u količini od 0,85 grama i opojna droga „amfetamin“ preostala nakon vještačenja u količini od 10,60 grama,
- da se od osumnjičenog I. S. oduzme opojna droga „amfetamin“ preostala nakon vještačenja u količini od 13,082 grama,
- da se od osumnjičenog M. S. oduzme opojna droga „amfetamin“ preostala nakon vještačenja u količini od 13,204 grama, opojna droga „tetrahidrokanabinol“ preostala nakon vještačenja u količini od 0,373 grama,
- da se od osumnjičenog M. S. oduzme opojna droga „tetrahidrokanabinol“ preostala nakon vještačenja u količini od 1,644 grama.